

思鄭州陳知默因感其化去不得一識面

美物須絕代異人須不世造化得生成諒亦非容易曠世耳可聞同時目能視陳子同時人奈何聞諸耳

小車行

喜醉豈無千日酒惜春還有四時花小車行處人歡喜滿洛城中都似家

垂柳

門前垂柳正依依更被東風來往吹忘了自家今已老却疑自是少年時

至靈吟

道藏輯要

擊壤集

七 四星集七

至靈之謂人至貴之謂君明則有日月幽則有鬼神

生平與人交

生平與人交未始有甘壤已亦無負人人亦無我害

知識吟

目見之謂識耳聞之謂知奈何知與識天下亦常稀

仁聖吟

盡道之謂聖如天之謂仁如何仁與聖天下莫敢倫

擊壤吟

人言別有洞中仙洞裏神仙恐妄傳若俟靈丹須九轉必求銀頂更千年長年國裏花千樹安樂窩中樂滿懸有樂有花仍有

酒却疑身是洞中仙

林下吟 五首錄二

眞工造化豈容私拙者爲謀亦甚微安樂窩深初起後太和湯
醖半醺時長年國裏籃舁往永熟鄉中杖策歸身似升平無一
事數莖髭白任風吹

老年軀體素温存安樂窩中別有春萬事去心閒偃仰四支由
我任舒伸庭花盛處涼鋪簟簷雪飛時軟布裯誰道仙翁拙於
用也能康濟自家身

有物輕醕號太和半醺中最得春多靈丹換骨還如否白日升
天得似麼儘快意時仍起舞到忘言處只謳歌賓朋莫怪無拘

道藏輯要

擊壤集

大 四星集七

檢眞樂攻心不奈何

安樂窩中自訟吟

不向紅塵浪著鞭唯求寡過尙無緣虛更遽瑗知非日謬歷宣
尼讀易年髮到白時難受彩心歸通後更何言至陽之氣方爲
玉猶恐鑽磨未甚堅

林下局事吟

閒人亦也有官守官守一身四事有一事承曉露看花一事迎
晚風觀柳一事對皓月吟詩一事留嘉賓飲酒從事于茲二十
年欲求同列誰能否

謝甯寺丞惠希夷罇